

المحاضرة الرابعة الأسبوع الثاني (أصول التعامل مع الأطفال)

شريف طه يونس

من سيئات اعمالنا انه من يهده الله تعالى فلا مضل له ومن يضل فلا هادي له. واشهد ان لا اله الا الله وحده لا شريك له واشهد ان محمدا عبده ورسوله ثم اما بعد اصل. مع انعام ربنا ده واكرام ربنا ده وتحذير ربنا له - [00:00:00](#)

عصمة ربنا له. وكل الكلام ده كله. ينفع اصلا يفكر يعصي ربنا؟ لو فكر يعصي ربنا. حاجة وحشة جدا صح؟ ولكن من الحاجات العجيبة ان ربنا يقول اكتبوها له حسنة كاملة انما تركها من جراء - [00:00:20](#)

يعني مش النقطة السلبية بقى انه ازاى اصلا نفسه اتساوى له يفكر في معصيته الجزء الايجابي الجميل انه عمل ايه انتهى عن المعصية. ربنا مسح به النقص. سبحان الله! قلت لكم تبصوا على العبارات - [00:00:40](#)

كده يعني انا ما شفتش ترفق ولا تلتف زي ترفق وتلطف ربنا بالمزنيين. يعني هات لي كده ان ربنا ربنا بيفرح باللي بيفرح باللي عمل كذا ما فيش. بس صريحة فين؟ في التوبة. ده خارب الدنيا وراجع يفرح به - [00:01:01](#)

يبسط يده بالليل. افلا يتوبون الى النار؟ ها؟ كل ده. لان يا جماعة اللي عنده نقص او اخفق في حاجة بيبقى مكسور ما تزودوش كسره كسر. بالعكس انت لازم تاخده بايداه عشان يعمل ايه؟ عشان يتجاوز كسرتة. دي - [00:01:23](#)

خليهم الوحي. ان النبي صلى الله عليه وسلم كان ترفقه بالمذنبين اكثر من ترفقه بالباقيين وده الطبيعي على فكرة انت لو عندك اربع خمس عيال وعيل منهم عين هتبقى عامل ايه؟ مركز مع العيان جاي ومترفق به خالص صح؟ هو اللي اللي اخلاقه وحشة ده عيان - [00:01:43](#)

الايمانات وحشة ده عيان لازم نترفق به اكثر ده اولى بالترفق من غيره كانت تيجي مسلا كده اخوها تقول لي يا بابا مش عارف ايه انت اشمعنى هو قلت لها حبيبتي انت عارفة ان هو طبيعته انا لو ضربته او مش عارف عملت ايه هيزيد زيادة فهو لسه صغير - [00:02:00](#)

ربنا صابرين عليه لغاية بس يكبر كده شوية ونقدر نتكلم معه ونفهمه انما انت ما شاء الله عاقلة وبعرف اتكلم معك وبفهمك واعرفك الغلط لازم تفهم ان هو حتى في القفل ان هو مريض - [00:02:16](#)

دلوقتي سمري حتى ولادي مسلا ايه ويعاتبوني في محمد ثلاث سنين ثلاث سنين ونص يا بابا والواد اشمعنا احنا حبيبى وانا لسه صغير وانتم في سنه كده كنت انا بعمل كذا ومعلش هو لسة صغير - [00:02:28](#)

لازم استحملة لغاية ما يكبر بس شوية والكلام ده. يعني هو مريض اولى بالرعاية من غيره ازاى تبص للحاجة الجميلة اللي فيه يعني سبحان الله يعني الصحابة بعضهم يقول ايه؟ لعنه الله - [00:02:38](#)

كثيرا ما يؤتى به ما علمت الا انه يحب الله ورسوله. شف شيخ ايه وهو بيسمع الكلمة دي اللي هو جاي يجلد في الخمر ده للمرة وقال يا رسول الله والله لشربتها ابدًا. سفن زي يغوص - [00:02:51](#)

اعماق النفوس والقلوب يضع يده على واحد بالك؟ اه المرأة التي زنت ها؟ الصحابة يتكلموا عليها. والله لقد تابت توبة لو قسمت على اهل المدينة لوسعتهم شف يعني ايه واحدة ايه شف يعني لو قسمت على اهل المدينة لوسعت - [00:03:16](#)

في الزيد بينزر الناحية الايه؟ الايجابية الجميلة اللي فيها انها فعلا تعبت وانا بت. وده في حد ذاته ايه؟ بيبعت رسالة لكل اللي وراها من المخطئين والمزنيين ان انت فعلا لو عملت كده انت ايه انت عند ربنا تبقى يا جماعة هو المخطئ مكسور - [00:03:46](#)

ما تزودوش كسره. المخطئ محبط. ما تزودوش احباط. هو احوج الى الامل. اللي بيكابر في الغالب علشان خاطر يعني خطاه عند

فيما. يعني هو برضه في نقطة لازم ناخذ بالناس منها. مش لازم دايمًا يكون معي مفاتيح الناس كلها - [00:04:13](#)

يعني من الحاجات يعني المحزنة ان احنا الباب اللي ما بنعرفش نفتحه بنكسره. يعني مسلا انت معك مسلا مسلا المفروض الباب ده فيه فيه طفل. وانت معك مفتاح عايز ايه؟ تفتحه. انت عارف ان حاولت المفتاح بتاعك ما فتشش - [00:04:33](#)

مرة واثنتين وثلاثة ما هي معروفة بقى لأ يفضل يعاقر لغاية ما يكسر المفتاح جوة الياه القفل وما حدش يعرف يفتح وراه تاني وما حدش يعرف يفتحه تاني من وراه. لأ انت ما هتعرفش تفتح القفل ده سيبه لايه؟ لغيرك. ابعت غيرك - [00:04:53](#)
خلي غيرك يروح. انا كنت دايمًا اسأل معلمة المتدبر اقول لها ايه؟ عندك ولد وبishtمك في الحلقة. انا مش عارف اعمل ايه؟ ببishtمك تاني. كلمت ابوه ببishtمك تاني. مش عارف عملت ايه؟ ببishtمك تاني - [00:05:07](#)

الحل ايه؟ نمشيه لا ما نمشيش نوديه معلمة تانية يمكن مفتاحه مش معك. ما هي يعني هي القصة كده. انت ممكن الشخص مفتاحه مش معك ممكن ابنك مفتوحه مع امه - [00:05:17](#)

مفتاحه مع صاحبه ده ما هو ما فيش منطق في الدنيا بيقول ان انت عندك عيان في مستشفى ما بيخفش ما بيخفش ما بيخفش ترميه برة انت ممكن تحوله من القسم بتاعك لقسم تاني. حالته متردية اكرر طلعه من القسم العادي للعناية المركزة. ما فيش حاجة اسمها يترمي برة - [00:05:30](#)

وهيترمي برة ليه اصل هو بص احنا في التعليم القرآني بالزات للأسف الشديد عايشين بمنطق ايه؟ وابرئ نفسي. مش وانا ابرئ لأ وابرئ نفسي هو في تصرف في الحلقة ليه - [00:05:45](#)

ولو علم الله فيهم خيرا لاسماعهم. يا عم الناس شاغلها الدنيا وواكلة الدنيا ومش عارف ايه. طب ما انت زميلك الحلقة اللي جنبك ما عندوش التصرف بتاعك. طب ما هو انت نفسك شغال مدير المدرسة الفلانية ولما حصل تسرب اول اول واحد فكرت فيه المتهم -

[00:05:58](#)

الاول قلت مين؟ جبت للمعلمين تعالوا هنا في تسرب ليه؟ انتم السبب عرفت ان ما عندهم زنب خلاص يبقى المناهج دي السبب. المناهج حلوة يبقى الوسائل اللي بتدرس مناهج السبب - [00:06:18](#)

الوسائل الحلوة يبقى البيئة التعليمية السبب. واخر حاجة تفكر فيها المتعلم لأ احنا يا باشا اول حاجة نفكر فيها ايه ولو علم الله فيهم خير لاسمعهم. بنشتغل وبنطق وابرئ ونفسي لأ - [00:06:30](#)

عشان دي كنت تقول لي المعلمة ايه؟ اتهمي نفسك. قولي يمكن انا اللي المشكلة عندي هخسر حاجة مش هخسر يمكن زنوبنا استغفر ربنا واتوب اليه واستعين بالملك يقبل بقلبه. يمكن والله ربنا يعني مش كاتب ان انا الا اصلحه ما اترفق به لغاية ما يروح لغيري لعل

ربنا ايه - [00:06:41](#)

افتح عليه دي. تكون زروفه ملائمة. تكون حاجات ما حدش عارف. ما هو يا جماعة اكثر الامور تعقيدا في الحياة هو السلوك الانساني اكثر الامور تعقيدا في الحياة. السلوك الانساني. انت النهاردة ممكن تتصرف يكون وراك خمسميت سبب. يعني نفس تتصرف -

[00:07:00](#)

يصدر مسلا من خمسمية شخص بخمسمية خلفية مختلفة. ما حدش عارف اي حاجة. فاهم قصدي؟ ولا انت عارف ايه اللي بيحصل انت اه ممكن تكون مش عارف انت بتعمل كده ليه - [00:07:20](#)

السلوك الانساني معقد جدا جدا. ولزلك بلاش الجو بتاع ان احنا عارفين كل حاجة عادي. انا ممكن ايه؟ يعني سبحان الله! انا دايمًا كنت من الحاجات اللي يعني بعض اخوانا الفضلاء اللي بيتكلموا في التربية وبيتكلموا في السلوك وفي علم النفس وفي

الحوارات دي. يقعد على الكرسي كده يحسك ان هو ايه؟ معه مفاتيح مشاكل العالم كلها - [00:07:33](#)

اه والله وتقعد تقول له مسلا عندي المشكلة في ايه؟ اصل انت مشكلتك انك لم تستعمل استراتيجية اللي مش عارف ايه. اللي هو ما استعملهاش اصلا. وتروح تبص عليه في البيت الياه - [00:07:53](#)

فاشل تبص علينا اه والله بيلبس عباءة الياه؟ المستشار التربوي المحلل اللي مش عارف بلاش من عالم كده. لذلک سبحان الله! احنا

كان عندنا حلقة في الرسالة عن الالحاد قلت - 00:08:03

يعني كنت بكلم الاخ المحور قلت له اول حاجة لازم ناخذ بالناس منها ان احنا نسأل الله العافية. انت مش في نعمة من اي حاجة بلاش اللي هو منطق ان احنا ايه - 00:08:18

اصل عشان اخطائك وخصوصا الناس اللي بتبقى بتشتغل في اشراف ولا بتشتغل في كذا يعني انا كنت احيانا اكلم المعلمة واقول لها بصي انا اول حاجة عايز ابقى صريح معك. انا لو مكانك كان تصرفي بقى اسوأ منك. انت اكيد اتصرفت احسن مني. بس انا بنصحك - 00:08:28

يعني بنصحك لان اكيد انا اتمنى ان انا اكون احسن واتمنى ان انت تكوني احسن. انما بنكلمهم بطريقة ان هو قايل ان احنا اصلا ايه ان انتم يعني ما بتفهموش حاجة - 00:08:43

ما اعرفش حاجة يا معلم لو سمحت كذا ويا شيخ لو سمحت اعمل كذا وهو لو قعد مكانك هو اللي هيقضي مصلحته ولو مسك الحلقة بتاعتك دي هيسربها كلها. ثاني يوم صح؟ بس اصلهم قاعدين في ابراج عادية - 00:08:53

ولا اخر علاقته بالتدريس مسلا من سنتين ثلاثة هو مش مدرك ان كل شهر العيال بتتغير اخلاقهم بتتغير ودماعتهم بتتغير ومئاتهم بتتغير. والامور الى صعوبة مش الى سهولة اصلا ولزلك لابد لابد ان انت ما تتكلمش من عالم - 00:09:07

انا والله اقسم بالله ما في حد يحكي لي مشكلة الا بيني وبين نفسي كده الاول. الحمد لله الذي عافاني وابتلى بك فيما خلقتني. يا رب يا رب يعافينا امشي. مش يعني انت القصة دي بس ايه بادرك آآ ان انا - 00:09:22

انا معافى مش مش بحاول واطول هو ما حد فضل وامتنان من الملك سبحانه وبحمده واخذ بالك انت؟ انما دايم ايه؟ اصل هو انت اصلا ممكن تكون عايش ابتلاء في بيتك بسبب كلمة قلتها كده ايه؟ اصل انا الحمد لله عندي عيالي انت ازاى عامل مع عيالك كده - 00:09:32

بيته. ويبتلى في مراته يبتلى في عياله. واحد من السلف والافلست فجلست اتذكر طب مين اللي بيحبب الافلاس ده؟ افلاس مفاجئ كده. يعني الدنيا ماشية حلوة وتجارته ماشية حلوة زي الفل، تاجر كبير. يقوم راح كده افلس - 00:09:48

فاذا انا قد عيرت رجلا منذ اربعين سنة فقلت له يا مفلس. طب ده احنا كده نخاف. بس هو ما تابش منها. فاهم الفكرة؟ ان هو عملها بس ما تابش منها - 00:10:05

انا انت ممكن احيانا تبتلى بلسانك. تبتلى بان انت دايم عايز تقول لغيرك ايه؟ آآ كذا. دايم دايم تقول له يعني للاسف مسلا ييجي مسلا يقول له ايه؟ ايه يا عم ما تربى ابنك شوية - 00:10:15

هو الواد ده عامل كده ليه ما تعمل كذا في الولد مش عارف كذا يبقى احد الاخ محرج ولا مستحي؟ تقول له ربنا يبارك فيك والله انا عارف يعني جزاك الله خيرا لو مكانك ما كنتش اعرف اربي العيال دول كده. ما كنتش اهتم بهم كده. بس حاول تركز في كذا وتشد - 00:10:25

والله اتمنى لك الابه؟ اللي اتمناه لنفسه. ومعلش واصبر عليهم هم كويسين فيهم خير والدنيا حلوة. انما بتتكلم ان انت من علي وانت رحت تلاقي نفسك مخزون في بيتك ليه؟ انا كنت بقول لمراتي وانت مفتكرة ان احنا اللي بنربي قلبي ربنا اللي بيربيهم - 00:10:40

احنا لسه بنحاول نعمل المطلوب منها. ده في النهاية اللي بيربيهم مين؟ ربنا. فمع الوقت بقى لما الواحد فينا بيحس ان هو اللي بيربي يوكل لنفسه وده اللي بيحصل في حلقاتنا. لما تحس ان انت بتنجز في الحلقات عشان خاطر ايه؟ اصل احنا عملنا نزام تربوي محكم. وعملنا نزام اداري مش عارف ايه؟ تخزل - 00:10:54

ولذلك كنت دايم اقول الافتقار هو عنوان التوفيق الاول. طول ما انت مفتقر انت في امان. والله يا اخوة ما في يوم من ساعة ما بدأت المشروع ده لغاية النهاردة عندي محاضرة الا وقلبي يستجمع افتقار اللحظة الاولى. والا اخزى. انا فقير اليك انا ما املكش اي حاجة - 00:11:14

انا هنا حصلت معي مرة واحدة بس من قريب من حوالي سنة. كان عندي دورة في محافظة مصر وبعدة مدن دخلت

المسجد بصلي العصر عادي. الاخ يعني هو استاذ في جامعة الازهر - 00:11:34

قال لي ايه آآ معلش دكتور اديهم نبذة كده في المسجد عشر دقائق عن المشروع بتاعك. فقلت ايه عشر دقائق سهلة كويس ما اجيش نص ساعة على ساعة اتكلم عن المشروع بتاعي - 00:11:53

اقول لهم كده شف الكلمتين يظبطوهم واجي طالع. اقسم بالله الذي لا اله الا هو كانت اول مرة تحصل لي في حياتي. يعني الواحد ممكن طبيعته رغاء. اول هتحصل لي في حياتي. آآ ان الحمد لله - 00:12:03

ان الحمد لله ان الحمد لله. ان الحمد لله ان الحمد لله. ان الحمد لله مش مش فاكر اقسم بالله دماغي بص وكأن صدر امر من ربنا ما فيش معنى يجري على اللسان ده. ولا عارف اقول اي كلمة ولا حتى ايه؟ انا اسف مش هقدر اكمل. ان - 00:12:17

الحمد لله ان الحمد مش عارف ليه وحش جدا والناس مش عارفة ايه اللي بيحصل هو ده ما له والله هو ما له؟ يعني يعني هو في ايه؟ عملت ايه؟ ان الحمد لله وصلوا الحمد لله - 00:12:46

يعني كانت اول مرة تحصل لي انا مش عارف ايه اللي بيحصل. انا يعني بالدماغ بتاع الطبيب بقى قلت ايه؟ انا جالي جلطة ما فيش انا يعني حاسس باللي حواليا بس لساني ده مش ايه؟ مش راضي ينطلق بنصف كلمة. دي كانت المرة الوحيدة في حياتي اللي -

00:13:06

حسيت فيها ان انا ايه اقدر اقول. لا هقدر اقول عادي هقدر اقول ما فيش مرة بخرج من بيتي الا وجوايا احساس ان انا ما اقدرش اقول نص كلمة. ولذلك ربنا بيفتح. ما فيش مرة باخرج منها للحزة اللي احس فيها اني اقدر اقول - 00:13:27

ولذلك يا اخوة الافتقار هو عنوان التوفيق الاول. انت دايما كده تفهم ان افتقارك هو انتصارك كتير سبحان الملك ولذلك بقول كتير بنخزل تربويا بنخزل في بيوتاتنا مع زوجاتنا مع اولادنا مع اللي تحتينا لما نعجب - 00:13:42

بنفسك. ولما نظن في وقت من الاوقات ان احنا ايه لا انا هحاول واطول وقوة او للاسف الشديد لما ممكن ايه ننتقص غيرنا او نشعر غيرنا ان احنا ايه ازاي ما بتعملش كده ومش عارف ايه واخذ بالك انت فبتنرفز انا قوي من الجواب بتاع الياه؟ المستشار التربوي

اللي لابس - 00:14:02

عندنا اذا الكلام ده حتى في عالم الابدان مش هقول لك بس حتى في عالم الايمان. عندنا آآ نوع من مجموعة امراض كده بتحصل في الاطفال ببسموها اللي هي السخونة وبيزهر معها - 00:14:22

اه طفح جلدي ماشي؟ دي مجموعة من الامراض كده يعني مسلا حوالي خمستاشر عشرين نوع من الامراض. بس بقى كل واحد منهم يعني هو شكلهم الاكلينيكي سخونة مع طرح جلد - 00:14:32

بس ايه اللي وراه بقى؟ احيانا يبقى وراه فيروس او احيانا وراه بكتيريا. احيانا وراه مشكلة في الحساسية. قصص كتيرة يعني.

فواحد اشهر كتاب في العالم في طب الاطفال في الحتة دي. عامله واحد من الاجانب يعني - 00:14:42

فعامل كتاب عن الفيفا والزرارش. كتاب هو عمدة في الباب يعني كلنا بنرجع له. من الحاجات اللطيفة ان الراجل اللي هو علمنا كلنا ازاي نفرق بين انواع السخونة دي انواع الطفح الجلد ده وازاي نشخص ونقول قال ومن المفارقات اللطيفة انها بعد فراغه من تصنيف هذا

الكتاب طبعا احنا عندنا في الطب ما فيش حاجة اسمها حد بيكتب كتاب يعني هو ما بيمارسش لأ. يعني - 00:14:52

امارس اصلا ممارسات كتيرة جدا جدا. ويمكن انا حتى شخصيا بالنسبة لي كان من اوائل نقاط الانفصام عندي. او اللي عملت عندي دربكة في دماغي في العلم الشرعي كله ان انا الطب ما بنعملش كده - 00:15:12

ليه في الدين اللي هو اولي بكده ما بنعمل كده واضح؟ ان احنا في الطب بنتعلم معلومة عشان نستعملها ليفل الدين ما بيتعلمش يستعملها. ليه في الطب اللي بيعلمني المعلومة شايف ان واجبه انه يعلمني ازاي استعملها؟ والراجل بتاع الشريعة اللي بيعلمني

العقيدة ولا الاسماء الحسنى ولا كذا - 00:15:23

ولا السنة ولا الآية ما بيعلمنيش ازاي استعملها في حاجة غلط يعني ده طبيعي جدا في حاجة غلط. المهم فيقول لك ان المفارقات اللطيفة ان انا ابني اصيب بطفح جلده فلم اتمكن من تحديد نوعه. بعد كل ده. رغم انه مات - 00:15:40

مسلا هو بيقول لك اللي بقى عمدة فهو يعني ولا يحيطون بشيء من علمه الا لم يشاء يا موسى ما علمي وعلمك وعلم الخلائق اجمعين.

في رواية صحيحة. الا كما اخذ هذا العصفور من اجله. ايه ده - [00:16:03](#)

القرض طول الوقت طول الوقت ورد الامر الى الله. ونسبة الفضل الى الله. فيا اخوة في في عين بتبص على ايه؟ على الجزء الايه؟ النقص والناس الجزء الجميل وعایشها من النفسية دي. لكن بابي وامي وامي حبيبي صلى الله عليه وسلم. ونشوف ربنا

في تعامله مع عباده ما بيتعاملش كده. بنشوف النبي صلى الله عليه وسلم في تعامله مع الناس بيبص للجانب الايه - [00:16:23](#) الجميل اللي فيكم ويشجعه وينميه ويكون هذا الجانب الجميل يوما ما ان شاء الله سبب في اصلاح كل حاجة تمام؟ احيانا اه التاجر اللي ما بيعرفش يكسب بيبقى مستهدفه يحافظ على زمايله - [00:16:43](#)

ولذلك انتم ما بتاخدوش بالك من دي. ان انتم حتى لو ما قدرتوش تكسبوا حافظوا على ايه. خلاص ما مش قادر تطور مراتك. حافظ عليها كده انها ما تسوقش. مش قادر ترتقي بابنك. حافظ عليه انه ما يضعش. هم. بس على الاقل يعني فاهم قصدي - [00:16:58](#) بالعقل يعني انما احنا لاً ما هيتطوروش ندهورهم. ما ما يتطهروش ندمرهم وارجو هو انا رأيي دايم في قصة سيدنا نوح وابنه يا اخوة احسن الله اليكم. الشاذ لا حكم له - [00:17:18](#)

ربنا اخبرنا بالقصص دي لصنف من الناس اللي هو مين؟ اللي هو استفرغ وسعه ولم يوفق لنتيجة. عشان ما يحسش جهده راح قدره. فكتير من الاخوة بيايه يقول لك آآ الواد بايز يقول لك الحقيقة انا عادي يا عم ما هو كده كده ابن سيدنا نوح طلع كافر. والله. طب اعمل اللي عمله سيدنا نوح وبعدين ابقى قل لي اطلع كام - [00:17:41](#)

فاهم انت؟ بيقول لك ما حس امرأة اعمل اللي عمله سيدنا لوط وبعدين ايه؟ لما تطلع بقى كافرة بيبقى انت خلاص ما تبقاش عملت اي حاجة وتقول لي يا سيدنا نوح - [00:18:01](#)

فربنا اخبرنا بالقصة دي لتسلية مين؟ الناس اللي بزلت كل حاجة ولم يوفقوا لنتيجة. انما مش عشان تبقى ايه قاعدة والا اصلا هيبتل كل اللي احنا مطالبين في الشريعة. صح؟ فخلاص بقى - [00:18:13](#)

انت كده كده ايه انا ما ليش دعوة ولذلك الناس الناس عايشة على الفكر الجبري ده اللي ربك هيهديه هيهديه. الهداية من فوق احنا ما الفالح فالح ولو مش عارف - [00:18:30](#)

قوالح ومش عارف يقعد ايه؟ يعني معلش عايز هو عايز يعمل ايه بيقرب نفسه. طلع نفسه برة القصة. ريح دماغه. انا ما لي انا! لا انت عليك تعمل للي عليك - [00:18:45](#)

والنتائج ما لكش دعوة بها. القصة دي كأنها بتقول لك النتيجة مش ايه؟ مش عليك. بس ما لكش دعوة بالنتيجة. نعم. لا تهدي من احببت. توفيقا وسدادا وانما تهدي ارشاد الهداية في القرآن وفي هداية الارشاد وهداية التوفيق والسداد. فانت ما حدش يملك الاية تفوق السداد الا الملك سبحانه وبحمده - [00:19:01](#)

عملية الارشاد هي بيد الملك بس ربنا خول عباده انهم يمارسوها. يباشروها. ازاى يقول له انك لا تهدي الى صراط مستقيم. عايز اقول له لا تهدي قل له ازاى تهدي - [00:19:21](#)

تهدي الى صراط مستقيم ارشادا. ولا تهدي توفيقا وسدادا. واضح؟ فانا اعمل اللي علي اللي انا مطلوب مني. ولذلك حتى اصلا سيدنا ابو بكر بيكلم الناس عن اية ايه؟ عليكم ايه؟ انفسكم. اه فيقول ان انتم تفهمونها خطأ. يبقى انتم تفهم خطأ اصلا - [00:19:30](#) لازم تظن ان انت ايه لاً ده انت عامل اللي عليك وبعد كده ايه عليكم انفسكم لا يضركم من ظل اذا هديتم خلاص بقى انت كده مش يعني ربنا مش هيحاسبك انه ليه ما امنش - [00:19:48](#)

بس هيحاسبك ليه انت ما عملتش كده بس انا اقصد هو في النهاية انا مش مش مطالب بديه ده بالعكس ده انا كنت بقول من اعظم ما يضر اي انسان سواء كان داعية ولا مربى التعلق - [00:19:58](#)

النتائج اكثر حاجة تضرك. ولذلك ربنا ربنا في طول القرآن وعرضه بيحرر النبي منها. لان عليك الا البلاء يلا لان بعض الناس متصور ان عليك الا البلاغ يعني ما لكش دعوة لاً ده ربنا ببسليه. قل له انت يعني انت مش مطالب الا بالبلاغ. انت مش مسؤول عنهم ان هم ليس

عليك هداهم. فلعلك بايخة - 00:20:08

على اخره. طب ليه بقى التعلق بالنتائج المؤزية؟ لان حاجة من اتنين. لو الشخص ده انت اشتغلت معه وما لقتش نتيجة هتحبط فتهتوقف. دي مصيبة يا اما لو حصلت نتيجة - 00:20:31

قد تعجب وتفرح او تفرح او تحس انك خلصت وتوقف واللاتين مؤزين. انما انك تبقى عارف ان انت عليك ايه واجبات بتأديها. والله نجح ما نجحش نفع ما نفعش. فوق تحت حلو وحش او ايه - 00:20:45

انا ما ليش دعوة. انا موزف اعمل الياه؟ اللي علي. زي انت في الشغل. واحد شغلانته ايه؟ ان هو بضاعتك سات يطلبوا منه ايه؟ ابعت فاكس. طب الفاكس ده جاب صفقة بخمسة مليون. والفاكس ده عمل لنا مصيبة. انا ما لي انا! انا مطلوب مني اعمل ايه؟ ابعت

فاكسات. ما ليش دعوة اصلا - 00:21:00

فده شغال سلطان زمان انت كده ربنا يريد انك تعيش سلطان زمانك ما لكش دعوة ما تحملش نفسك ما لا تملك انت لا تملك هداية حد ولا تملك ولزلك حتى انا لما كان باكلم معلومات المتدبر عندنا اقول لهم ايه؟ ما يجيش ولي امر يقول لك مش عارف الواد ومش احنا

يا جماعة بنعالج ما بنشفيش - 00:21:19

هو انت رحت خدت ابنك للدكتور وكشف عليه وفحصه وتما وادا له العلاج وزى الفل ومية مية. ووريته الدكتور والتاني والتالت والعاشر وقال لك الدنيا زي الفل وتشخيص تمام وعلاج تمام. والواد ما خفش - 00:21:38

زنبه هو؟ لأ طبعا هو ما بيشفيش. هو بايه؟ بيعالج. بس. ولزلك المربي ما بيشفيش. المربي بايه؟ بس ربنا سنته اقتضت ان اللي هيمشي على خطوات سليمة في نتايج سليمة. وهناك استثناءات لا حكم لها. لها حكم - 00:21:48

بس ما لهاش حب. واضح؟ لها ايه؟ حكم بس ما لهاش حكم. لها حكم ربنا يعلمها بقى في امور معينة. بس ما لهاش حكم. مش هينفع عليه جنبنا على قاعدة ان مش ده الاصل. زي احنا عندنا ما هو في في الخلق كل الولاد بينزلوا في مناخير هنا وفي مش عارف ايه

وفي عين هنا. بس في ولاد بينزلوا لحكم - 00:22:05

من بطن امهم عينه دي مش عارف فيها ايه وكزا عادي يعني هي لها حكم بس ما لهاش ايه؟ هنقول بقى الستات ما حدش يخلف تاني ما نقدرش ده احنا حتى لو واحدة وعندها امراض وراسية وبتاع بنقعد نعمل لها حاجة اسمها ومش عارف نعمل ايه - 00:22:25

كزا ونحسب النسب والنسبة قد ايه ونقول لها كزا وخوضي تجربة انما ما حدش يقدر يقول له ما تخلفش تاني. في حد يقدر يقول له ما تربيش تاني كده كده التربية العيال ما تنفعش. ما لناش دعوة اصلا. فده الجزء ده اصل التعلق بنتائج مؤذي للمربي والداعية -

00:22:43

انت واحد بتقوم بدوره ما لكش دعوة بتؤدي الذي عليك زي ما قلنا النهاردة. وتسأل الله الذي لك. لان اخوة صعب صعب ان الانسان يعني ما يعجبش بعمله. دي يعني اصلا الانسان محتاج يستعصم بالله جامد جدا عشان ينجو منها - 00:22:58

ان انت يا ربنا اكرمك وحققت انجاز وكده وما تعجبش ازاي؟ ده نوع من الجهاد. انك تجاهد نفسك في دي فلذلك الانسان ما يعرضش نفسه لها اصلا. والحديس صحيح النبي يقول ايه؟ بيقول لا ينبغي للمؤمن ان يذل نفسه - 00:23:18

فقالوا وكيف يذل نفسه يا رسول الله؟ قال يعرض نفسه للبلاء بما لا يطيق في رواية يعرض نفسه من البلاء لما لا يطيق. فاهم انت؟ ده بتزل نفسك. لما تعرض نفسك لحاجة انت ما هتطيقهاش - 00:23:38

فاهمني؟ حظيت نفسك في فتنة وجيت قلت ايه؟ مش هقف تاني. لا هتفطر. ما تضحكش على نفسك. فما تذلل نفسك واضح؟

طيب. هنرجع نقول ان احنا عندنا ايه ماشي. اه يعني بنقول مثلا احنا قلنا المثال ده. مسلا واحد ايه - 00:23:58

على سبيل المسال هو يقول لك هو شغال في عمل امن والدنيا فيه كويسة. اي نعم يعني المقابل بتاعه مش كبير قوي بس امان ما بيتعرضش لرشوة ولا حرام ولا مش عارف يقول الكلام ده. جت له فرصة في شغلانة حلوة. ومرتب جميل. بس فيه مشاكل كتيرة.

فرصة انه يقع في رشوة كبيرة. وفرصة مش عارف ايه كزا. بس هو قال ايه؟ ان شاء الله نتجاوز - 00:24:18

الكلام ده والكلام ده سهل علي وعديه. بس هو في ظروف صعبة ومحتاج لكل ريال. وفي نفس الوقت اساسا هو الناس مش لاقية

شغل هيتضغط عليه. فيروح يقبل الشغلانة دي. هو كده عرض نفسه ليه؟ لبلاء هيووقعه في الفتنة. فكده يبقى ذل نفسه. لان العصيان ذل. ماشي؟ العصيان ذل - [00:24:38](#)

ما اعز العباد انفسهم بمثل طاعة الله وما اهانوها بمثل معصيته. تمام؟ فالعصيان ذل للنفس. طيب حديس صحيح لأ مش من اعز العباد ده كلام حسن البصري ماشي طيب يبقى عندنا يا جماعة في حاجة ايه في عندنا دلوقتي حاجات جميلة وحاجات في عندنا حاجات - [00:24:58](#)

موجودة وحاجات مفقودة. نركز فين؟ في شكري الموجود. والله العظيم مش عايز اقول لكم لأ مش عايز ايه؟ هاقولها لكم. بل وفي شكر المفقود اشكر المفقود؟ ايوه. لان ربنا ما ابتلاك الا ليعافيك. وما منعك الا ليعطيك - [00:25:18](#)

حرمانه عطاء. قد يكون العطاء هو قمة الحرمان وقد يكون الحرمان هو قمة العطاء. اشيء تبقى هتموت كل واحد من الجالسين امام الان على الاقل مرة واحدة في حياته كان في حاجة هيموت عليها ونفسه تحصل باي شكل - [00:25:38](#)

وبعد فترة حمد ربنا انها ما جاتش. يا رب الحمد لله انك حرمتني منها. ده انا لو كانت جت دي كنت اتدمرت. صح ما فيش واحد من اللي قاعدين قدامي الا وعنده موقف واثنين وثلاثة وعشرة كده. ولزك هو عطاؤه رحمة وحرمانه - [00:25:57](#)

عطاؤه ايه؟ وحرمانه. مش بيحرم كده وخلاص. لأ الحكمة يعلمها. انت لا تعلم هو اعلم. هو كل حاجة عنده لها توقيت. اه ان كل شيء خلقناه لقد. شف بقى دي الاوضح بقى - [00:26:17](#)

ومن يتق الله يجعل له مخرجا ويرزقه من حيث لا يحتسب. ومن يتوكل على الله فهو حسبه. ان الله بالغ امره كما يشاء. ان الله لكل شيء اية؟ قد - [00:26:35](#)

الله تعيش على دي ان الله بالغ امره. تبقى حاسس بدي ان ربك بالغ امره. بس قد جعل الله لكل شيء اية قدرا. يعني زي والدي الله يصحبه بالخير ويمسيه بالخير. كان يقول لي ايه يا ابني كل حاجة بتوقيت. ده هو في تصرفاته هو - [00:26:55](#)

يقولي انا مبحبش كل حاجة عندي بتوقيت وكنت وانا صغير اقول ايه؟ ابويا يعني ايه بيعدي الموقف يعني. واكتشف فعلا ان هو كل حاجة مرتبها في دماغه بايه؟ بتوقيت. فبقيت لما يقول لي - [00:27:15](#)

كل حاجة بتوقيت او لا ده هو شكله مرتبها. انت ربك بيقول لك ايه؟ قد جعل الله لكل شيء ايه؟ والله سبحانه الله حصل معي موقف قريب كده. واقف ولا ايه - [00:27:28](#)

في الزيارة دي لما جينا مكة فاحنا كنا يعني انتقلنا لسكن جديد فيعني انا آآ جيت افتح النور بتاع الحمام دست على مفاتيح فم نورش. فقعدت بدور على مفاتيح التانية المفتاح ده المفتاح ده وهخبط في المفتاح واعمل كزا وبعدين اتصل بحد بقى

النور وبتاع ومش عارف ايه واتكلم في يعني وبعدين ايه - [00:27:39](#)

قعدت العب في المفاتيح لقيته نور فركزت كده في المفتاح ده دست قفل وبعدين دوست عليه تاني لقيته بيقد كده دقيقة وبعد كده ينور. فجيت المرة اللي بعديها وانا داخل الحمام دست على المفتاح ده وفضلت قاعد مستني لغاية ما ايه ما ينور. معلش قد يبدو

موقف تافه بس انا عقدت في قلبي معنى او زكرني بمعنى - [00:28:09](#)

انا مهم جدا سبحانه الله! ان انت ازاى يعني انا دست على المفتاح وانا متأكد انه هينور ورغم انه ما نورش بس مستني ينور ليه؟

عشان عندي تجربة قديمة قالت لي انه بينور بس بعد وقت - [00:28:31](#)

عندي يقين في انه هينور. يقين في المفتاح قلت لنفسى طب انت ما بتعملش كده ليه مع ربنا؟ لما بتدعي ما ليه ما عندكش يقين انه هيستجيب بس ايه؟ استنى في وقتها - [00:28:45](#)

جيد انت قلت السبب ان انا ما طبقتش قبل كده حاجات ربنا وعدني بها فما شفتش النور نور بعيني. فعشان كده ايه ما بقتش بصبر على المرة التانية او ان انا يقيني في ربنا مش رأي عين زي اللي انا شايفه من المصباح اللي بينهم. لأ اقول لك تدوس وايه -

[00:28:58](#)

انا مطمئن جدا وهنور ومش زعلان ولا مفزوع ولا زعلان ولا واخر علي وما اخرش علي لأ خلاص انا مستني نور. فانت ازاى تعرف ان

انت لما هتقول هتنور بس ايه لها توقيت عند الملك. وطالما قال لك هتنور يبقى هتنور. قال لك ان الله بالغ امره يعني بالغ امره -

[00:29:26](#)

انت بس عليك ايه ؟ توكل على الله. بالغ امره بالغ امره. جاية نايمة. كان في مقالة كده كنت يعني حكيت فيها حاجة حصلت لي مع عائشة بنتي. مشروع الافكار الرئيسية بتاعة المشروع بس بشكل لطيف في صورة يعني ادبية قصصية خفيفة كده آآ وبعد كل

موضوع فيه ورقة عمل. عشان نعلمكم فكرة انك - [00:29:45](#)

اتعلمت لازم ايه ؟ تعمل تخطط للعمل. تعمل ازاي ؟ فبسألك شوية اسئلة كده بعد كل حلقة. طيب ناوي تعمل ايه ؟ فهمت ايه ؟ طب هتعمله ازاي ؟ كده يعني خلاص ؟ طيب فالشاهد ان فيه حاجات مفقودة عايز اقول لك ان انت حتى اشكر على المفقود ده. لان في

الغالب - [00:30:05](#)

ما منعكش الا ليعطيك. بجد بجد يعني ما حرمكش من حاجة الا الاله ؟ لان فعلا هي ايه ؟ هتضرك حكمة فعلا. هتضرك قد تؤذيك ؟ واضح يا اخويا ؟ ولذلك سبحان الملك ! لما تيجي تبص كده يعني انا كنت مرة بتدارس معهم اية ايه ؟ ولو بسط الله الرزق لعباده لبغوا -

[00:30:25](#)

وفي الارض ولكن ينزل بقدر ما يشاء. ليه ؟ انه بعباده خبير. خبير بصير. هو اعلم بك من النفس ينزل بقدر ايه ؟ ما يشاء. الوقت ده يضيق عليك رزقك وفي غيره يوسع عليك فاما الانسان اذا ما ابتلاه ربه فاكرمه ونعمه فيقول ربي اكرمني وما اذا ما ابتلاه فقد -

[00:30:45](#)

قدر عليه رزقه فيقول ربي اهانني كلا. لآ انت اللي مش فاهم. ولذلك سبحان الله ! في لحظات الم بتبقى معراج لابواب امل. لحظات الم

بتبقى ايه ؟ معراج لابواب ايه ؟ امل. امل - [00:31:09](#)

سبحان الملك ما كان ذاك الامل ليوحد في حياتك الا للالم اللي انت عشته ده. الحرمان يشعرك بالعطاء لما المرض يخليك تحس بقيمة

الصحة لما تيجي. الفقر يخليك تحس بالغنى لما يجي - [00:31:29](#)

فتشكر طب ليه يا اخوة ؟ لان الانسان عنده ابتلاء اصلي. ان الانسان ليطغى ان رآه استوى. كنت اقول للانسان هل يسرك ان كلها

تتحقق. يعني بس تخش النار هو ايه الفرق بين الشاب اللي لسه صغير في سن صغير مسلا كده زي عبدالله ومسلا اللي مسلا في سن

مسلا زي الباشمهندس كده مسلا او - [00:31:49](#)

في سن مسلا زي حد من الاول حتى والده. ايه الفرق ؟ ان في السن ده انت شايف الدنيا بشكل ثاني خالص. شايف متاعها وشهواتها او

ملزاتها شايفة انها ايه ؟ يا الله بقى لما يبقى عندي قصر وعندي عربية واقعد مش عارف ايه ومش هاتل اهم حاجة وعايز كذا يعني

مممكن يكون في السن ده يعني من من - [00:32:19](#)

من ازومات الانسان في الحياة ومن مشاكله الكبرى باقة الانترنت. عايز باقة ما بتخلصش. اه والله. يعني انا فاكر واحد زميلي واحنا في

الاندية كان يقول لي ثلاث احلام فانا قلت بقى يقول ايه يعني مسلا ابقي المصلح مش عارف ايه انا كنت ساعتها بحب القراءة فيعني

دماغي كانت يعني مهيبة شوية. يعني عايش دور بقى المصلح اللي مش عارف ايه - [00:32:39](#)

يعني قلت بقى قلت ثلاث احلام رهيبة فبقول له ايه ؟ قال لي كوتش وعجلة وركبة. كان في بتاع اسمه وكمان كده زمان زي تسجيل

كده كاسيت تسجيل صغير كده وله سماعات بيتحط في الودن. دي احلام. ولذلك هو في الاخير - [00:32:59](#)

مش قلت لا يعني عشان بس ايه بس يعني حياته النهاردة حوالين الثلاثة دول. يعني هي دي همومه انما واحد نفسي اكون عالم رباني

نفسى اكون من اهل الله نفسي اخش الجنة نفسي مع فسيدينا عمران لنفسا - [00:33:23](#)

ذواقة انا ما بحبش ابقي زي الناس. انا دلوقتي نفسي تتوق الى الجنة تقابل في السنتين وشهور اللي تولى فيهم الخلافة بلاء ذكر

الناس بالخلفاء الراشدين. بعض الناس طبعا بتخطى يتصوروا ان سيدنا يعني عمر ابن العزيز افضل من سيدنا معاوية لآ طبعا -

[00:33:43](#)

يعني الغبار اللي مشى عليه سيدنا معاوية افضل من سيدنا عمر ابن العزيز طبعا. تمام ؟ ده ده صحابي خال المؤمنين. ماشي ؟ فما

حدش يقول لي خمس خلفاء الراشدين دول مش خمس خلفاء الراشدين. لأ طبعاً - 00:34:06

سيدنا وهي افضل منه. لكن ايه؟ اعدا على الناس ذكر الابه؟ الخلفاء الراشدين. حاجة رهيبة كانت حاجة رهيبة سنتين وبضعة اشهر رهيبة فعلاً ما يتصور ان ده يعمل كده بس يعني واحد اهتماماته بتدور حوالين ايه؟ فسبحان الملك انت الانسان مش هيشعر في السن ده - 00:34:16

هو بيبقى دماغه انما بقى لما بيبقى كبر بيبقى خبر الحياة. يوه كان خارب الدنيا على الجواز ويلالقي الدنيا في الاخر ايه. انا مش

للدرجة دي. كان خارب الدنيا على مش عارف - 00:34:42

عرفت يا ابو عربية ما تركب عربية وهتعلم مش عارف ايه وهتروح كذا وهتودي كذا. يعني كنت قرأت قصة كده يمكن الناس الكفار حتى يعني عشان طبعاً بجيب قصصهم في في العالم ده لان هم اصلاً شغالين في يعني هم غرقانين في الشهوات فهم امسلتنا يعني خلاص - 00:34:52

كان اه بيحلم بشوية احلام كده ما تحققش منها حلم. فكان فيه برنامج عامله واحد اه رجل اعمال امريكي كبير جدا اسمه دريم

هاوس بيت الاحلام. خلاص؟ فالرجل الامريكي ده عامل البرنامج ده - 00:35:12

فكرته كلها هو مش عايز فلوس. هو معه فلوس كتير. بس بيستمع يعني بيستمع بان يجيبوا واحد يقولوا حلمك ايه نحقق لك حلمك. ويشوفوه ويصوروه قبلها وصوروه بعديها جو كده فجه الشاب المحبط ده بعث لهم قال لهم انتم بتقعدوا تهيصوا وتقولوا

الاحلام ونحقق الناس احلامها؟ لانه مش هيقدرنا تحققوا لي احلام - 00:35:31

انا محبط انا مش عارف ايه انا كان لي كان كنت بحلم ان انا آآ اخطب فلانة دي مش عارف ايه واتجوزها وسابتنى. وكنت باحلم ان انما كان في سيارة يعني حوشة لها وعملت مش عارف ايه ودخلت كذا واقترضت والكلام من ده كله. وجيت اشتريها سعرها غلي في

السوق مرة واحدة - 00:35:51

وكان نفسي باي شكل اشتغل محاسب في بنك وابقى مش عارف ايه وما عرفتش اشتغل وشغال في سوپر ماركت مش عارف بتاع عاجبنا ومش عارف ايه وبتاع. انتم تملكوا اه اكل جينة ببلاش. انتم تملكوا انتم احلامي مش عارفة. فضربت في دماغ الراجل -

00:36:11

اللي هو الغني ده بقى يعملها ايه؟ قصة. فايه؟ قال هاتوه. بعثوا له. خطيبته قعدوا كلموها قالوا لها ايه؟ انا اديك رجعي لي. ادي

واحدة. هم. اه لو اتجوزت تطلقه وترجع. الناس دي ما عندهاش اي حاجة في اي حاجة. اه انا شفت - 00:36:29

تقرير عن واحد كان عامل برنامج في الشارع في امريكا برنامج مش عارف يعملوه كده حاجة زي شوارع زي مزيج شارع كده والكلام

ده. قرأت تقرير عنه ان حلقة من الحلقات كانت عبارة عن ايه؟ ان واحد بيخش على واحد ماشي مع مراته - 00:36:49

يقول له تديها لك كم؟ يقول له خمس تلاف دولار عشرة عشرين تخيلوا مسلاً قابل عشرة. العشرة تسعة منهم وقفوا مع تفاوت المبلغ.

انا خمسة من عشرة يعني اللي بعد خمسين واللي بعد ستين الف واللي بعد سبعين الف. ياخذها ويمشي - 00:37:09

ما علينا الحمد لله نعمة الاسلام. اقول لها ترجعي لي. ماشي. وبعدين العربية جابوا لي العربية اللي هو عايزها. والراجل اصلاً صاحب

البرنامج ده هو عنده بنك قصر. فشغله في البنك. تمام؟ بس - 00:37:39

هنصورك قبل وبعد انا قبل الحاجات دي وبعدها يعني فقال ماشي صوروه وبيصوروه بقى بعد ما ادوا له الحاجات دي بقى وهو

بصوته مستمتع وبعدين في وسط التصوير بس وقف انا عايز ارجع زي ما - 00:37:59

تاني انا ما حسنت بقيمة الراحة اللي انا كنت فيها الا لما جا لي الهباب ده انا اصلاً كده كده حسيت انها انتم عاطيئها فلوس. بتعاملني

معاملة يعني مش ايه؟ ولا مبسوط معها ولا حاجة. وكنتم متخيل ان انا ابقى مبسوط معهم ولا الكلام ده - 00:38:11

الاصل. والبنك انا اساساً رايع ما عنديش خبرة اصلاً في الشغل ده خالص. فكله بيبص لي بايه؟ وبقيت انا بقيت مسخرة البنك وبعدين

ايه العربية انا اصلاً كنت متخيل ان هي هتبقى مناسبة ليه؟ انا اساساً اكتشفت ان انا وزني زيادة جداً والعربية ضيقة اصلاً -

00:38:28

القديمة ايوة بس كانت بس كانت واسعة ومريحة جدا. كنت مبسوط فيها. انا عايز ارجع ثاني. شف هو الانسان يشتهي حاجة ما خبرهاش ولما يخبرها يشكر ربنا على اللي كان فيه. اه في اوقات كتيرة جدا جدا يعني سبحانه الله - [00:38:49](#)

لذلك اللي عايز اقله ان المفقود او الحرمان ده مع ربنا عطاء ربنا هو الوحيد اللي حرمانه عطاء. البشر اغلب ممكن يحرموا ايه احيانا يحرمه عطاء بس بيحرمه ايه ؟ انما ربنا ثق ان حرمانه عطاء. ده عقوبة برضو عطاء. ان هو يعجلها لك هنا مش في الآخرة -

[00:39:10](#)

برضو ولذلك ابن عطاء كان يقول ايه؟ ربما اعطاك فمنعك وربما منعك فاعطاك. ربنا عطاءه على انه من المتصوفة لكن الحياء كان له ايه كلمات كده يعني عليها بهاء السنة. خلاص؟ المسلم لازم احلامه تكون واضحة. ايه الفرق بينه وبين الكافر؟ ربنا قال والذين كفروا يتمتعون - [00:39:32](#)

ويأكلون كما تأكل الأنعام ليه؟ والنار مثوى لهم. انا كمسلم عندي اللي مش عنده. عارف اللي مش عارفه انا هقولها لك بشكل ثاني خالص انت النهاردة انت اهو قاعد هنا في مكة هنفترض انك كنت عايش في مصر لغاية مسلا - [00:39:52](#)

الاعدادية. تمام؟ وجيت ابوك قال لك ايه؟ او لغاية السانوية. جه ابوك قال لك تعال يا عبدالله هنا. هنا السانوية حلوة وسهلة ولزيزة. هتأخذ السانوية هنا تجيب مجموع حلو وهترجع مصر تعمل معادلة تخش كلية حلوة. بالميت نوديك السودان ولا اي حته تخش كلية طبة دي وتمشي كويس. انت جاي - [00:40:09](#)

سنيين متقسمين دول تعمل ايه عندك هدف واضح محدد انك تجيب ايه؟ مجموع كويس. لما عشت بقى في مكة ولقيت اصحابك الواد ده بقى يبجي معك المدرسة راكب عربية ثاني معه مش عارف والتالت مش عارف ايه. وبدأت انا ليه مش معي عربية؟ وليه مش عارف كذا؟ وبعدين بابا مكة دي حلوة. عايز اقعد هنا في مكة. وانا عايز بقى اشتري لي فيلا هنا في مكة - [00:40:29](#)

واعمل مش عارف ايه وبعدين كمان ايه فيه نادي بتاع مش عارف ايه بتاع كورة اشتركت في النادي لقيت نفسك الدنيا ماشية معك حلو وبتاع وبتلعب حلو بجد قلت لا طب ما انا ليه احترف في الدوري السعودي - [00:40:51](#)

وبدأت كل ده وناسي انت جاي ليه؟ والوقت عمال يعدي يعدي يعدي وانت مسكين متصور ان انت ايه رغم ان كل اللي بتحلم ده محتاج له عشر سنين وخمس سنين وسبع سنين وانت كده كده قاعد ثلاث سنين بس. وحدى الوقت عدى الوقت عدى الوقت. وفي وسط كل الحاجات اللي انت واصفها بانها - [00:41:01](#)

احلامك امتحانات السانوية الاسبوع الجاي انا ما عملتش اي حاجة ما هم لان هم مش مؤمنين بان في آخرة. فلزام احلامهم كده هي بيعيشوا حياة واحدة ان هي الا حياة ايه؟ الدنيا. نموت ونحو ما نحن هو هم عايشين حال. انما احنا لأ. ده اللي احنا عايشينه ده اقصر فصل من فصول قصة حياته - [00:41:21](#)

فصول قصة حياتك اللي بدأت وانت في ظهر في ظهر ابينا ادم فضلت في عالم الذر عالم الذر لغاية ما جيت النهاردة هتعيش لك ستين سنة هتقعد في القبر اضعاف اضعاف - [00:41:47](#)

ويوم الحساب بس خمسين الف سنة. اقصر فصل في قصتك هو ايه؟ ولذلك لما بيفوق بيقولوا ايه؟ لبثنا يوما او بعض يوم لبثوا غير الساعة. لما تشوف القصة على بعضها - [00:42:00](#)

تعرف ان ايه؟ لازم احلامك كلها تكون في ايه اه بص بقى انا بحلم ان انا ان شاء الله فيه عاملين فرصة هنا ان فيه لو لو واحد عمل ابحاس في المكتبة ومش عارف ايه وكلام من ده هياخد درجات تضاف لمجموع. فيه حاجة - [00:42:16](#)

اسمها النشاط الرياضي ان انا لو اشتركت في النشاط الرياضي هيتضاف على مجموعي. شفت كل حاجة بس مركز فين؟ مهمته. وتخلص الثلاث سنين والحياة الحقيقية هتبدأ. فانا كمؤمن كمسلم احلامي حاصلة. بس في خدمة المهمة اللي انا جيت عشانها -

[00:42:33](#)

الناحية القصيرة قوي قوي يعني ربنا يعافيك يا لسة والله واحدة من الاخوات اللي عندنا في المشروع يعني اختي يعني يعني ربنا يحفزها يعني مضحية جدا وهي انا من الناس العزيزة - [00:42:53](#)

00:43:03

لذلك كل سانية من عمرك لها قيمة. النبي صلى الله عليه - [00:43:26](#)

لكن تكون في خدمة المهمة - 00:43:46

انما مشكلتنا ان احنا المجتمع اللي عشنا فيه - 00:44:06

ان دول مسلمين وموحدين وزى الفل يعنى - 00:44:17

00:44:37 - ويعني

بس تقدّر تقول ان ده عنوان صلاح - 00:44:57

00:45:11 - كنظام دولة ونظام مجتمع حلو. بس ده عنوان صلاح؟ لا مش عنوان صلاح. اقول لك قاعدة لزيعة جدا. بص فساد الظاهر -

00:45:27 - على صلاح الباطل

متخیلین ایه کل الی معه الدقن ولابس سماخ شیخ - 00:45:50

ایہ؟ مطوع مطوع ومش کلہم بتقول اشمعنا ده مطوع یعنی؟ لان اہ فیہ دقن شیخ ودقن مش شیخ - 00:46:02

الشيخ محمد حسان ويبلبها الشيخ محمد حسين يعقوب والناس دي بيقولوا ايه؟ دول الشيوخ - 00:46:22

00:46:32 مش دليل اکيد على ان الدنيا ايه -

وهی ان انت لما تنزرت لازم تاخذ بالك من - 00:46:43

الموجود. فيحصل ايه الموجود؟ اهدار يروح ما هو ما بيشكرش ما يزدش - 00:46:53

ده بالعكس مش حاسس بقيمته. فيحصل له ايه؟ يروح منه وهو لا يشعر. لا بقى مفقود ولا ايه؟ موجود. والدنيا عمالة تسوء فطبيعة نزرة البشر للبشر ايه ان الانسان اصلا شحيح انه ايه؟ يعترف بفضل حد. ولذلك في وقت المشاكل ربنا وصانا وصية غالبية جدا. قال ولا تنسوا الفضل بينكم - 00:47:05

ودي لها تفسيرين. لا تنسوا التعامل بالفضل لا بالعدل ماشي؟ ولا تنسوا الفضل السابق لهذا الشخص عليكم قبل ذلك. تمام؟ لو استحضرت النقطتين دول مع اي حد بينك وبينه المشكلة - 00:47:29

تخلص. لان اللي بيحصل في المشكلة عكس كده. ان كل واحد في المشكلة عايز يتعامل بالعدل مش بالفضل اخد حقي حقي الاول وبعدين نتكلم. يردوا لي اعتبار الاول. طب لو بالفضل مش مشكلة. الثانية - 00:47:43
انه الاول ما بيحصل بينه وبين واحد مشكلة بيستدعي الصندوق الاسود. يطلع له بقى تاريخه الابيض. وانت وانت وانت ويضخ جامد جدا الاخطاء ويصغر جدا الحسنات. برضو ايوه هو عمل كثير قوي جزاه الله خير وكان له حاجات كويسة بس بص خلي بالك - 00:48:00

اللي عملها دي مسحت كل حاجة. مسحت كل حاجة. ايه ده! تعكر بحر حطين حبر. نعكر بحر بوطين حبر. يعني رغم ان من الحاجات اللطيفة ان كثير من العلماء رغم انها في باب فقهي - 00:48:20
دي كان يستخدمها في باب ايماني معنوي. فكان يقول اذا بلغ الماء قلتية لم يحمل الخبث. يعني اللي احسانه بلغ قلتين مهما اساء ما هيبانش فيه خلاص. فيه ناس عدت القلتين. وجوزت القنطرة مهما يعملوا لازم تعمل ايه؟ احترمهم. عادي - 00:48:40
ولا كأن في حاجة حصل. العلماء والناس اللي قابلت بلاء حسنا في خدمة الدين. دي ناس جوزت القنطرة. ماشي؟ دي ناس اه ماءها بلغ القلتين من زمان نيين من نفسنا بقى منيين من لساننا؟ اخطأ خطأ خطأين ثلاثة عادي. زلة في مسألة مش مشكلة - 00:49:00
مش تعمل ايه؟ مش تهدم كل تاريخه بايه بالزلة والزلتين دول بنطين الحبر دول ما لكم كيف تحكمون؟ لما خلاص يبلغ القلتين خلاص انت مراتك في بيتك يعني يا جماعة شوفوا شوفوا ربنا بيتعامل مع خالقكم ازاى! شف الصحابة وقفوا موقف في بدر. لعل الله اطلع الى اهل بدر - 00:49:17

قال اعملوا ما شئتم فقد غفرت لكم. انت لازم تتعامل مع البشر كده. ان في واحدة مراتك تقول لها بصي والله بعد وقفك اللي وقفيتها مع امي دي والوقفة دي والله مهما عملت بعد كده عمري ما - 00:49:38
ركز معي. تقول لاخوك ده والله بعد الوقفة اللي قلتها دي انا بص مهما حصل عمري ما ما اركز معك. تقول المرأة لجوزها كده تقول لابنك كده ابنك يقول لك والله بعد الموقف ده مهما حصل ما هيركز معك. ما ضر عثمان ما فعل بعد اليوم. رضي الله عنه. انك فعلا تتعامل مع مع البشر بالمنطق ده - 00:49:48

والله ما هيضرك اي حاجة تعملها بعد النهاردة عندي. تقول له والله ما هيضرك اي حاجة تعملها بعد كده عندي. انا هيكفيني بس احسانا. احسانك ده بالنسبة لي قصتك خلصت. ما درك - 00:50:08

ما فعلت بعد اليوم ايه؟ انت. مطلوب. ربنا بيتعامل مع خلقه كده. وحقوقه على خلقه اعلى من حقوقنا على اي حد صح؟ ولا واحد فينا له ان هو اصلا يقول اي كلمة على اي حد - 00:50:18

وده تعامله مع خلقه. فلذلك يا اخوة الانسان مشكلته ان هو ايه؟ بايه؟ بيبص دايمًا للجزء الناقص. وما ياخذش باله من الجزء اللي موجود. ومش عارف ايه ويركز في المفقود. هنخسر كل حاجة - 00:50:33

فلذلك لما يبجي يحكم على البشر تلاقي عينه مركزة في الايه؟ في الصندوق الاسود مركز جدا في الحاجات الناقصة. خد بالك من اللي جاية دي. انا كل القصة الطويلة دي بقولها ليه؟ عشان تحس باللي جاية بقى. تحس باللي جاية دي. تتخيل - 00:50:43

لقى ان واحد شخص يقعد معه عشر سنين يقول لا انقم عليه شيئا. عشر سنين وعشر سنين معه ايه؟ الرئيس بتاعه ده خادمنا. عشر سنين بيخدمني في العشر سنين على منوال واحد. طب ما فيش مرة كان متعصب؟ ما فيش مرة مش عارف ايه. ما فيش العادي بيصدر مننا ده - 00:50:57

ما فيش مرة كذا؟ عشر سنين. سيدنا انس خدمت الرسول عشر سنين. انت واخذ بالك؟ انا بس كل الليلة الطويلة دي عشان ايبين لك ان الانسان اصلا بطبيعته بايه؟ بيركز في الحاجات اللي هي - [00:51:24](#)

يعني عشر سنين مش لاقى له حاجة. ولزك واحد من الكفار اسلم بكلام السيدة عائشة في النبي قال اصلا كده كده الرجل الانسان بطبيعته عينه بتقع النقص. سانبا الرجل لو خدع كل - [00:51:44](#)

الناس ما يخدعش مراته في بيته. لانه في البيت لا يحتشم يعني ربما امور يحتشم منها في الخارج لا يحتشم منها في اياه؟ في البيت. هو في البيت على ايه؟ على سجيته - [00:52:04](#)

يعني الصورة دي النسخة الاصلية منه. فاهمين ده؟ برة دي اللي هي النسخة الايه؟ اللي هي بقى. مش زواقاه. انما النسخة الاصلية دي في البيت. جوة دي النسخة الاصلية بتاعتك. ولزك خيركم خيركم لاهله. اللي جوة خير هو عند ربنا خير. لان دي النسخة الاصلية. اللي عند ولاده خير هو عند ربنا خير. اللي عنده - [00:52:14](#)

مراته خير هو عند ربنا خير. الست اللي عند جوزها خير هي عند ربنا خير. قال لها انما هو جنتك واياه؟ ونارك. صح؟ هو ده المقياس الرئيسي اصلا انت جوة خير او انت عند ربنا خير. انما بتاع برة ده ده المتزوق - [00:52:34](#)

اللي احنا كلنا يعني بنبقى طالعين ايه ونتقي الله ونسأل الله الاخلاص نسأل الله الصدق. واحد يكلمك ولا يزق فيك تبتسم وما يجراش حاجة. وفي البيت اي ما حد يكرش جنب مناخيرك - [00:52:49](#)

اذا عملت هو ده المقياس الرئيسي. انت في البيت ايه؟ انت مع ابوك ايه؟ انت مع ولادك ايه؟ هو ده هو ده المقياس. ولزك الراجل قال لك ايه؟ ده ده الست ده ده الراجل في بيته ما بيحتشمش. يعني على ايه؟ على سجيته. فاخطائه يحصل لها ايه؟ هتبان خالص - [00:52:59](#)

يعني نخبيه برة بقى مش هنخبه جوة. يعني انت عذرا ممكن عمرك ما تعرف ان انا مسلا وانا بنام باطلع صوت ولا ما طلعت صوت ولا مش عارف ايه. عمرك - [00:53:20](#)

هتعرف دي الا لو شفتني نايم وممكن تقعد سنين بتابعني ما شفتنيش نايم. بس دي كل يوم بتنام على انغام الموسيقى دي. تمام؟ اه عارفاها يعني خلاص خدت عليها لو انت مش موجود ما يجيلهاش نوم تقول لك ايه ده ما انا هشغل الموبايل وانت ايه يعني ايه نام كده وحت الموبايل جنبك عشان ايه احس بالونس. صح؟ ما انت ايه - [00:53:30](#)

ما بتحتشمش يعني ده الوضع العادي الطبيعي. وتعلم عنك ما لا يعلمه غيرها يعني كل بين الرجل وامراته اسرار لا يعلمها اي احد. صح؟ كل واحد منهم مراته كده اسرار ما حدش يعرفها خالص اللي هم اللاتين - [00:53:50](#)

حتى في تقصير في الاسرار. طيب النقطة الثالثة بقى الستات اصلا. مشكلة الستات ايه اصلا؟ انهم بطبيعتهم انا طبعنا بطول في الحثة دي عند الستات بس مش هطول فيا هنا. خلاص؟ ان هم بطبيعتهم بيركزوا في التفاصيل جدا. يعني كانت حتى مرة اخرى قالت لي يا دكتور عايزة تعرف الفرق بين - [00:54:07](#)

الراجل الست شوف راجل بيحضر شنطة ازاي والست بتحضر شنطة ازاي وهم مسافرين الراجل بيعمل ايه يلا لأ هي جايبة كبريت وابرة وفتلة ومش عارفة عاملة حسابها لو رحنا هناك لقينا مش عارف يجيب البتاع بتاع الناموس كل حاجة. بص كأنها اتخيلت المكان كده وهتخط تحط تحط في الشنطة ولأ ده غير بقى الشنطة المترتبة بشكل معين وده في الجيب اللي برة والجيب اللي جوة - [00:54:27](#)

والغير مرتبة لك الشنطة تتصل بالتليفون كل شوية مش حتى ايه مش مكلف نفسك تستكشف الشنطة. هو انت حاطة الاوبر فين؟ يا عم ما تدور في الشنطة هي فين يعني هتكون رايح في الطائرة! ما هي كده كده في الشنطة - [00:54:49](#)

فبردو ايه؟ هم بيركزوا في التفاصيل جدا. وبيركزوا في الكلام جدا. وعينهم نقادة جدا. هي طبيعة المرأة كده. لان المرأة يعني الراجل دايم في البيت بيعيش دور القائد. والمرأة دور المدير مش بتديره هو. بتدير الحاجات اللي هو عايزها تديرها. خلاص؟ الله اعلم بقى لو عايزها تديره - [00:54:59](#)

حربس هي بتقوم بدور المدير التنفيذي لانها فعلا قدرتها على التنفيذ عالية. لان التنفيذ بيحتاج تركيز بيحتاج حد عنده صبر وعنده و طول نفس وقاعد والستات فيهم المواصفات دي. انما الرجالة بلاش. سابت لك العيال يومين تلاتة على اليوم التالت في الغالب هتكون رميت نصهم من الشباك. رجع الدماغ ده - [00:55:20](#)

لا ان هي تقعد تصبر عليهم وتصاب كل كل ايه؟ ميسر لما خلق له. هيات لكده. فهي هيات لانها تدير. فالمدير ده نعمل ايه؟ الراجل اللي بينفz لا يركز في التفاصيل جدا. ويبقى واخذ باله يبص ونزره ويركز في الكلام. انما انت ممكن ايه؟ انت مسلا تبقى مسلا رحت انت ومراتك - [00:55:40](#)

مسلا تزوروا جماعة قرايكم ولا تزوروا اختك ولا بتاع وتيجي شفت اللي اختك قالتة؟ قالت اختي ما قالتش حاجة. لأ قالت كزا كزا. طب ما له الكلام ده؟ لا ما انت مش فاهم بقى ما هي - [00:56:00](#)

وهكذا اللي هو بكزا يقول لها يخرب بيت شيطانك ده ابليس نفسه ما يفكرش كده. ليه؟ هي فعلا دماغها والكلام هيطلع صح لان هم عاملينهم لغة خاصة كده. او عندها بقى تدبر فزيع بص ولا تقول لي بقى اسرار ولا لطائف ولا ميكات ولا عشان كده دايم الست اقول لهم ايه؟ انتم متدبرات من الطراز الاول - [00:56:10](#)

بس في الشر عايزين نجيبه بقى فين؟ في الخير. حقيقي هي يعني فبطبيعة المرأة انا عارف ان انتم منفصلين في الاخر فبفككم يعني. بطبيعة المرأة انها بتركز فين؟ في التفاصيل اوي. فدي بقى ما هيغيبش عليها عيب - [00:56:28](#)

النقطة اللي بعد كده في طبيعة المرأة كفران العشير. ابتلاء. يعني ايه صفة؟ توجد في الرجال وفي الياه؟ وفي النساء. يعني عادي في رجالة عندهم كفران عشيرة اكثر من الستات - [00:56:43](#)

حقيقي بس هي المرأة برضو بطبيعتها لانها ضعيفة. آ مشكلتها لما بتحصل مشكلة بتفقد اعصابها وتفقد كل حاجة. فبتلاقيها ايه عايزة بص تخدم المعبد على راسها على راس كل اللي مش فسادها الشيطان بيحضر قدام عنيتها ايه - [00:56:53](#)

الصندوق الاسود. كل واحد كده عنده صندوق اسود ما كله كده. بيزهر في وقت الياه؟ الشغل ده. خلاص؟ فالصندوق الاسود ده ببشتغل اللي هو ايه؟ ما رأيت معك خيرا قط. طب بلاش قط دي! يعني انت مخليها خيرا بدون ايه؟ يعني مرة مرة خليها تقول لي يا بابا انت ما - [00:57:10](#)

خالص. قلت لها نعم! خالص! طب قولي مسلا وما تخرجناش الياه؟ الشهر ده مسلا. الاسبوع ده لك شهرين خالص قلت صدق رسول الله دي جينات. ده ده انتم يعني انتم ايه دي جينات. الجزم ده ما فيش خالص - [00:57:29](#)

الناس لما رأيت معك خيرا يمكن اصداها النهاردة يمكن اصليها على الاسبوع ده انما قط. لأ امال انا كنت عايش مع مين بقى؟ انا كنت عايش مع امي في اه ما بتكلمش على المهر. يعني الفترة دي كلها انا كنت بعمل ايه؟ يا عيني انت طب وانت مستحمة السنين دي كلها ليه اصلا - [00:57:49](#)

ده ايه بقى فهي يعني كامرأة بطبيعتها اصلا في مبتلاه يعني مش هي مبتلاه زي احنا من الرجالة مبتلين انت كرجل مسلا مبتلى بحاجات معينة هي مبتلاة بمسألة ايه ان كفران العشير لما بتحصل مشكلة - [00:58:07](#)

تضعف ضعيفة في المشاكل. لذلك كنت دايم اقول لما حد مراته يحصل مشكلة يلم الدور بسرعة قبل ما تطرطش. ضعيفة ما بتتحملش المشاكل. ضعيفة فاول ما تحصل مشاكل تلاقيها ايه ما تسكتش يعني كنت دايم اقعده اقول لهم في المحاضرات اقول لهم ايه؟ الواحدة فيكم مسلا المشكلة يعدي يوم صابرة شوية وتاني يوم مم ما تستحملوش تقول لحد. تالت يوم تطرطش بقى رايحة تجيب - [00:58:21](#)

بتاع الخضار اسكتي يا رجالة واللي في الرجالة تقول لها. وبعدين رايح اجيب تقول لها وتتصل اختها ما لك كده صوتك متغير. تحكي لها. بص بعد بالزبط تلات تيام هتلاقي اخبارك كلها - [00:58:41](#)

فانت تلم الدور بدري بدري انها ضعيفة. لا تتحمل الياه؟ ما تتحملش الازمات النفسية. بص الست صوعها شغلها هي سبحان الملك عندها طاقة رهيبة في كده بس لا تتحمل الضغوط النفسية. ما تتحملهاش دي ابداء. ابداء هي كامرأة ما تتحملش كده. هو ربنا خلقها

ضعيفة. وهي جمالها - 00:58:51

وهي مخلوقة من ضلع الرجل هي جزء منه اصلا. يعني هي احساسها بالسكون والامان والراحة. طول ما هي في ضلعك. اول ما تحس انها انفصلت عن ضلعة ايه او انفصلت عن هي طالعة لأ اول ما بتحس بكده خلاص يعني بتنهار فلذلك احسن الله اليكم آآ في -

00:59:16

زي كده انت ينبغي ان انت تبادر ما تسيبش الامر يستفحل. يبقى عندنا كم عامل دلوقتي؟ في الرجل مسلا امرأته؟ العامل الاول ما

بيحتشمش من بيته؟ بتركز في التفاصيل وفي رنجة - 00:59:39

في حاجة رابعة انها قبل قبل ما يحسب شتمته دي. لأ بنقول ايه العوامل اللي تخلي كلام الرجل المرأة عن زوجها يبقى له معنى كبير

جدا. يعني لما الست تقول كلمة حلوة في جوزها دي حاجة عظيمة جدا - 00:59:53

قلنا ليه؟ لانها عندها كفران العشير. وهي وهي عندها بتركز في التفاصيل. وياه؟ ولا يحتشم منها وبيكون على ايه على سجيته في البيت. خلاص؟ بكون على سجيته في البيت ما بيحتشمش منها. دي عوامل تخلي كلمة الست في جوزها لها معنى كبير جدا. لاجلها -

01:00:03

اسلم الراجل ده. لما سمع كلام امنا عائشة في النبي. يقول لما ست تقول كده عن جوزها لأ يبقى ده رجل عظيم. فاهمني؟ يبقى ده

رجل عظيم. مش ممكن يكون ده يعني ايه؟ لا ما هو ده رجل عظيم - 01:00:23

وده اللي عايز اقله لما تلاقوا سيدنا انس انا القصة دي كلها ليه؟ عشان هتسمعوا عن سيدنا انس كلام كتير قوي في ايه؟ في آآ في

وصف علاقة النبي بالاطفال صلى الله عليه وسلم. فلما تجد بقى سيدنا انس كان في انه وضع - 01:00:40

مش فاضي الابن حتى ده فاضل ايه؟ الخادم. صح اللي هو ممكن الانسان ايه؟ بقى دونه فممكن يتصرف تصرفات يعني هو دوره انه بيخدم اصلا انه بقى يقول ما رأيت ارحم بالعيال من رسول الله صلى الله عليه وسلم. هو خادم يقول ما شفتش ارحم منه بالعيال ابدأ

- 01:00:56

بيقول كان ربنا ما احسن الناس خلقا. ما شفتش زي اخلاقه. ويحكي مواقف لزلك وقفت جامد مع كلام سيدنا انس انه بطل مواقف

كتيرة يحكيها لنا. يحكي لنا موقف عمي. اه يا ابا عمير مثلا وغيره. احك لنا موقف مشكلته. احكي لنا موقف تسليم النبي على

الصبيان. احكي لنا - 01:01:16

مواقف كتيرة للنبي صلى الله عليه وسلم. بس بحسسك قد ايه ان طفل يقعد عشر سنين مع حد ولزلك كنت اقول لنفسى دايم ايه ؟

ابني وابنك يقدر يقول عننا كده ؟ يقدر يقول عن ابوه. يقول مم يعني ما رأيت احسن خلقا من ابي - 01:01:36

يقدر يقول ما رأيت ارحم بالصبيان من ابي. عشان بس مش حاسين بقيمة دي. ونروح نستورد من اليمين ولا من الشمال ولا من الغرب

ولا من والمسخرة دي طب والاطفال والتعامل مع الاطفال احنا عندنا هذه العظمة. يعني والله جريمة جريمة فعلا. جريمة - 01:01:56

لا تغتصب يعني ربنا ما يغفرهاش بس حاجة عظيمة جدا. ازاى اصلا يعني يكون عندنا العزمة دي. لهذا وهو في مقام يكون هذا تعامل

الحبيب صلى الله عليه وسلم معه. ويحتمل المواقف دي كلها. بس عظمة النبي صلى الله عليه وسلم في هذا الباب بابي وامي ونفسه

يروح الحبيب صلى الله عليه وسلم - 01:02:16

نكتفي بهذا القدر ان شاء الله اه سبحانه اللهم ربنا وبحمدك اشهد ان لا اله الا انت استغفرك واتوب اليك - 01:02:36